



ル 5
3285
11



九 5
3285
卷 11

重刊宜興縣舊志卷之十

藝文志 五言古詩

涉湖

晉 李 農

旋經義興境頓棹石蘭渚震澤爲何在
今惟太湖浦圓徑縈五百盼目渺無覩
高天淼若岸長津雜如縷窈窕尋灣
漪迢遞望巒嶼驚飈揚飛湍浮霄薄
懸岨輕禽翔雲漢游鱗憩中滸黯藹
天時陰岩堯舟航舞憑河何可徇靜
觀戒行旅

贈從孫銘宰義興

唐 李 白

天子思茂宰天枝得英才朗然清秋月
獨出映吳臺落筆

重刊宜興縣舊志

卷十

五言古

七

昭和十八年
八月十八日
購本

重刊正集卷之六 名一
生綺繡操刀振風雷 獲屈雖百里鵬騫望三台 退食無外
事琴堂向山開綠水寂以閒白雲有時來河陽富奇藻彭
澤縱名杯所恨不見之猶如仰昭回元惡皆滔天疲人散
幽草驚川無活鱗舉邑罕遺老誓雪會稽恥將奔宛陵道
亞相素所重投刃應桑林獨坐傷激揚神融一開襟絃歌
欣再理和樂醉人心蠹政除害馬傾巢有歸禽壺漿候君
來聚舞若謳吟農人棄蓑笠蠶女墮簪纓歡笑相拜賀則
知惠愛深歷職無所聞稱賢爾爲最化洽一邦上名馳三
江外峻節貫雲霄通方堪遠大能文變風俗好客留軒蓋
他日一來遊因之巖光瀨

愛玉女洞中冰既置兩餅恐後復取而爲使者見給

因破竹爲契使金沙寺僧藏其一以爲往來之信

戲謂之調水符

宋蘇軾

欺謾久成俗關市有棄繻誰知南山下取水亦置符古人
辨淄澠皎若鶴與鳧吾今既謝此但視符有無常恐汲水
人智出符之餘多防竟無及棄置爲長吁

洞在鳳翔但沿
訛已久姑仍之

避地山亭野步

汪藻

今日幸無雨天空出遙岑行行不知疲遂至春江潄汲路
轉籬落人家在桑陰平疇漲清波隴麥如人深溝畝戲鳧
鷺新蒲映浮沈我生本漁樵對此諸初心風物豈不好悲

來難自任胡塵暗中原四海如驚禽黃屋狩萬里兩宮隔
辰參龍移樓螳窺月晦蟾蜍侵宇宙有傾覆茲遊豈岨嶽
消憂賴濁醪太息誰能對

遊南山憩山下人家

元趙孟頫

驅馬南山陽下馬望絕巘解衣坐盤桓言就蓬廬偃非無
扳援力興盡自應返天高暄風息木落歲華晚勢阻乏遐
觀趣得心自遠不有君子辭何用抒繾綣

銅官山

蔣捷

萃律荆南山袁令葬其麓相傳天賜棺咄咄詭流俗令嘗
成輿梁天報宜以福賜棺信榮矣畢竟入鬼錄珠官在嶺
南錦官在巴蜀鹽官與鐵官登載紛簡牘吾恐古有司鑄
銅山之足後人訛承訛官傍妄加木政須改銅官大字鑲
崖腹事有作俑者併技王喬玉

題周孝侯廟

夾谷之奇

長橋漲清波南山滴空翠清風孝侯祠六月薄炎熾蒼然
擁喬木廊宇深以邃升堂拜遺像凜凜增壯氣緬懷絕塵
姿跡弛幾自棄一念狂聖分千載仰高誼義興阻湖山從
古勞撫治況當亂離後生理多不遂連州虎爲害接浦蛟
作祟故國神所遊陰相得無意我來按茲郡強禦甯汝畏
恐彼蛟虎徒匿影知暫避不埋張綱輪徒攬范滂轡澄清

悵何時畱詩志予愧

出西澗過龍巖途中瞻眺

明周砥

適意窮山水覽物春時候蘭薄迷烟孕桐林仰雲逗卻立
駐幽躅前臨縱遐觀谷鳴正嚶嚶川響復瀏瀏衝飈激高
竹晴曦艷寒溜崖復翠羽戢石觸金鱗皺妙合理無遺心
怡興難究逼仄緣石磴岩巖陟雲構豈惟廬霍期攬此巖
嶸秀素履非行險逸想仍冒詭遙遙此中情庶以謝紛揉

竹筴竹菌

竹徑拾朝菌中林露瀼瀼宛轉童豎歌頃刻易滿筐粲然
丹砂質攜下白雲鄉盼睐意忻喜執爨屬初嘗漑鬻沃靈
液登俎達馨香腊毒懼厚味餐霞秘仙方得此與蔬筍蕭
然侑一觴含和適勝韻茹美貴清涼孰謂可樂饑庶以潔
中腸非但紫芝曲願繼採蕨章

張公洞記遊

沈周

仙山不在高靈區設中葺包蒙自太古霹靂始于牖閤然
不耀地白日已通晝遂襲世游人我及千載後登頓入地
中足與石角鬪飛崖臨紫雲旣掀勢還覆仰面欲成壓山
鬼白司救元氣不蒸雨五色變乳溜支本萬不齊纂纂簪
笋瘦又如人披腹呈此琅玕秀旁扉表雲房曲密通窾竇
跬步必容炬老膽怯且逗神仙未易求真探亦何邁矯手

採瑤華和飲千日酌聊度三百年擬與石同壽

蘭山

項麟一作麟

蘭谷何透迤暄風藹然至清芬遠飛揚芳心靜無倚不採
非所傷幽獨良自媚彼美巖阿人時來慰芳意冰絃一再
揮餘音淡盈耳白雪凝不流春空曠如洗安得同心人清
言究真趣

春風亭次袁大尹韻亭在縣治

沈暉

我登春風亭適此好天氣豈惟二難并亦喜四美備元化
究終始微言析同異況觀春容篇綽有風雅意一唱再三
歎使我聞壅蔽辟如聞簫韶食肉不知味吁嗟去古遠大

道日云敝詩書秦王火禮法晉人棄兼愛賊吾仁為我亂
吾義晚視同室鬪門戶堅自閉伐木傷友朋甘棠憫兄弟
骨肉尚路人矧肯及殊類溥哉仁人澤六合鈞覆被諒彼
燕與雀安知鴻鵠志中年感曾恭渤海仰龔遂伊周雖聖
賢馴致良亦易嗟余亦何幸交好從蚤歲所期在道德豈
直為功利三江瀉詞源五嶽森筆勢醉後發狂歌吳箋為
君試

入陽羨

李文

薄遊耽曉行遂逐山溪轉野水雲根深春風柳芽短古瀆
飛鶴鵝中流聽鷄犬客棹尚迷源人家應不遠何處訊漁

郎蓑笠桃源晚

題橋頌帖後

四首

徐顯卿

杜曲連青天我眉甲震旦卒歲豈不得萬里卜陽羨緬懷
兩公達故鄉安足戀男兒志四方貴在適所願買田惟種
秫卜築溪山半仕宦有時止聊得耽荒晏

又

青天落白虹帶我西北樓長橋一何長千秋附周侯斬蛟
入其窟血濺神龍愁威聲震六合名與天壤侔我來登此
橋清夜風颼颼上有千古月下有千古流千古尚爲鄰一
世安足儔俛仰百歲間努力追前修

又

杜門澹無營乘興當何之天高風日佳可以樂渴饑何況
谿山間陶然持一卮水深多郭索壤沃多蹲鴟春華涉嚴
秋橘柚重纍纍吾事亦既足課童力耕耔

又

步出小東門流水何瀾瀾古人水中央水樹有遺址入門
登高樓青山暮成紫四顧山光中草木何韡韡云是杏花
村當春爛桃李謝公有別墅肯爲蒼生起

初至西村

吳正志

避世不可得聊復居西村西村亦何有松竹羅故園況茲

青陽暮卉脫芳蔭繁雨餘晷秀野寒風帶隴翻既隨物候
適亦絕人情援嘿坐觀無始散步神理存喧寂故自如昏
旦安足論所愧素心人悠然獨舉樽

北澗

湯聘

黃河發崑崙混混能幾清溟渤納萬派潔濁於斯并近觀
北澗水長流自澄澄微風起紋縠顯彼萍之靈波平淨無
滓上接天光明誰云河海大試取澗泉節

杜鵑花紀事

有小引

湯原清

嘗聞杜鵑花有二種一產蜀中一產陽羨善行洞石
壁間其花碩且大瓣有淚點對壁有閣三楹每至初
夏游人登閣玩賞則粉牆素衣紅日照耀人面如桃
馬邑人好事者取孫枝植別圃中亦絕可玩然終不

及原本之鮮妍也明季閣圯樹死幾二十餘年矣已
酉萌芽復生子孟夏發花數朵豈花之剝復亦有數存
其間耶爰賦
詩以紀之

山鵑開滿山蜀鵑未曾識善行洞壁間異種遙相匹初夏
映日紅斑斑淚點溼靈物造化珍久枯還復茁頃聞花又
開數枝如血色何事羈山中花時不相值蹉跎負歲華從
此啼鵑泣

過余狀元墓

儲方慶

杖策循東郊東郊廣且修道周立灌木其上鳴鶴鶴下有
紙錢灰叢竹掩荒邱荒邱陰以幽野煙空以浮不見墓門
路微聞聲啾啾田父競末利鋤削及隴頭當年狀元墓難

爭土一坏

碧蘚巖

湯思孝

涼風墜空葉悄然心已愁淺寐颯欲驚披衣下層樓斜陽
雨後暖斷壁濕更幽冷蝶尙飛飛美人安可儔瀋浥海棠
艷露凝泣淚流故址是耶非芳魂來此不感歎日云暮躑
躑山之湫我思杳且深白雲去悠悠

南岳杜鵑

許穎昌

何年自蜀中攜向南山隈託境特窈窕附根更崔嵬怪石
上雄峙盤渦下旋迴扶疎綠條敷煒煜丹莖開麗色應朱
明繁葩掩玫瑰流霞落遠岫錦障舒高臺烟縕赤壁新滴
瀝紅泉洄自是仙山花何關望帝哀

東坡書院

儲欣

先生產巴蜀吳會留精英騎箕近千載祠宇肅然清一構
山水間一傍蘭陵城蘭陵負手地萬古含滄清合祀楊龜
山春秋薦兕觥二賢俎豆光矇瞽知景行憶公僅弱冠抱
書遊帝京驍騰凡馬卻咳唾羣公驚方當瓊林宴早結陽
羨盟斯志半疑信斯言恐中更幾見金閨彥溪山理釣耕
崎嶇百折後荏苒二毛生卜宅依烟水買田種秫粳幽奇
遊屐遍色笑野人迎擇地同任昉離憂繼屈平至今遺像
在瞻拜淚縱橫

同儲六雅泥雲昆季宿南嶽寺大悲閣

萬夔輔

振衣登傑閣
警焉洗煩襟
蕭晨氣方肅
薄暮靄斜侵
四山無向背
六窗有晴陰
密竹藏靜理
飛泉懸道心
敞潔象俱攝
明遠意自欽
相現窺月上
籟寂識蟲吟
遊覽頻憶昔
怡悅實在今
諸子多定力
列坐指橫參
方知良友樂
益我良獨深

祝英臺碧鮮庵

許豈凡

女慕天下士
遊學齊魯間
結友去東吳
全身同木蘭
伯也不可從
潔已殉古歡
信義苟不虧
生死如等閒
蛺蝶成化衣
雙飛繞青山
捨宅爲道院
祝陵至今傳
當年梳妝臺
卽漢風雨壇
嗟峨石壁下
遺庵名碧鮮
春秋薦蘋藻
靈響來珊珊
晴天披石髮
恍惚見雲鬟

西溪卽事

儲雄文

薄暮下溪湄
擊衣舉宿莽
蒼蒼風葦靡
濼濼寒流廣
落日停山椒
窅映難爲想
邈爾半溪晴
素練紫雙槳
林疎列洲渚
楓柏堪殊獎
倏忽白煙生
砧聲應空響
秋氣集襟裾
轉覺形神爽
欲尋莎徑路
稍遲山月上

蛟橋夜月

路衡

山城跨長虹
層堦歷峻峯
我來登其巔
仰手接明月
明月

湧長空年年掛瑤闕臨風倒金樽懷古徒激越昨夜匣龍吟沈淵泣蛟骨

南岳寺

蕭趙炎

南山招遊人出郭便清景身隨雲林遠興逐風泉永好鳥夾路鳴佳花發桃杏春騎暫停鞭樵歌出廬井峯高日車側寺古禪關冷洞然樓閣中牕牖疎且迴虛簷冒石勢飛棟倒雲影竦身坐青霄憑欄數諸嶺雖無入山志頗覺閒者靜欲與山僧期他年訪箕穎

曉晴尋善權洞

夜雨宿煙寺清曉眾峯出窈窕探幽奇谿訝兩石室浮雲

上容裔奔泉中蕩滴鼉吟陰壁間曝雨候海日谷鳥歡新晴花外引儔匹霾風歸洞壑遊子意蕭瑟尋源不厭深探林不厭密且復深密中看山抱雙膝

古詩一首懷謝二皆人

王士禎

秋眠池上亭竹暗通人語空吟小謝詩荆谿渺何處流目送飛鴻歷歷江南去

送友歸江南因懷陽羨

謝芳連

亭亭塞北雲藹藹江南樹風吹遊子情夢繞歸人路何處一鳩鳴前村杏花雨

乘月散步南岳山池

暮色寒山池欲往弄秋月烟中僧獨歸松際鶴初歇倚石
 望晴峯樵斤響林鬱人影自參差桂香時鬢髯徒倚迴石
 梁禪扉梵聲訖

(Faint bleed-through text from the reverse side of the page)

重刊宜興縣舊志卷之十

藝文志 七言古詩

沈師魯二首

唐盧仝

君愛煉藥藥欲成我愛煉骨骨已清試自比較得仙者也
 應合得上天行天門九重高崔嵬青空鑿出黃金堆夜叉
 守門晝不啟半夜醮祭半夜開夜叉喜歡動關鎖鎖門撮
 地生風雷地上禽獸重血食性命血化飛黃埃太上道君
 蓮花臺九門隔潤安在哉嗚呼沈君大藥成兼須巧會鬼
 神情無貪長生喪厥生
 君家山頭松樹風適來入我竹林裏一片新茶破鼻香請

重刊真輿集卷十 七言古詩 五
君速來助我喜莫合九轉大還丹莫讀三十六部大洞經
閒來共我說真意齒下領取真長生不須服藥求神仙神
仙益智或偶然自古聖賢放入土淮南雞犬驅上天白日
上昇應不惡藥成且吃一丸藥暫時上天少問天地頭蝎
尾誰安著

張公洞

元 楊維禎

五月八日記遊仙三十六天洞靈洞洞中窗戶夜不扃地
底風雷日相哄巉巉靈骨誰手鑿納納虛符曷時頌龍顛
虎卧絡薜蘿委蓋垂旃一作垂旌掛鸞鳳莖高玉屑陳金拌窪
陷瓊漿流碼貧元田鴉色白於鷗丹室蛇光紅似煉石函

綠字紫泥封元圃瓊花青子種白螺有迹蹋石田金虎無
聲飲銀汞樵柯已爛商四朋蒞輦初過茅三仲牛車望氣
待著書螺女行廚時進供胡麻畱飯阮郎來林屋刺船毛
父通去聲或作迥音洞過也玉生石髓墮手堅吳客求珠空耳縫九
靈太廟苞氣母五岳真圖特兒弄書傳丹篆再何須石化
黃金本無用玉盆濯髮天雞鳴鍊笛穿空神馬鞞符行律
令鬼承呵聲出腦宮龍聽頌未應片石隔仙凡溪上桃花
自迎送

題荆南精舍圖

明 高 啟

睢陽醉磨一斗墨夢落荆南寫秋色大陰垂雨尙淋漓哀

壑迴風更蕭瑟楓林思入煙霧清湖水愁翻浪波白溪上
初逢野老航山中忽見先生宅疏田半頃連芋蘆茅屋三
間倚蘿薜翁來看竹乘小輿客去尋山借高屐任公釣臺
石可坐周侯祠前路曾識虎跡時留暮苔紫蛟氣或化秋
雲黑城郭何年別已久風塵此日歸不得月落書齋半壁
明畫圖臥對空相憶

蜀山草堂

王晏

春山雨晴嵐翠青春溪兩岸花冥冥隨流蕩槩看山去花
間水狹船初停登登隈隩連回顧綠蘿垂壁猿啼樹石牀
茶竈草堂閒雲深只有幽人住幽人長時喜客來山肴野
蔌清尊開酒酣歌呼林月出新詩一寫紛天才人間往往
趨名譽誰解致身蕭爽處君不見當年鄭子真躬耕亦似
尋常人

泝練溪爲吳甯庵賦

李東陽

練溪之水光如練練溪之詩清滿卷泝洄真成水上文機
梭不作江南怨靜餘雙耳閒能洗坐愛一清差可戀不問
莊生藥手龜羞隨墨子悲絲變何須火浣銷塵垢卻笑愚
神蒙詆嫚里名勝母車當迴獸有刑天字須辯臥遊久矣
讓君曾聽說洒然醒我倦虛舟有意空江海繭足無由出
庭院敢謂曲江非鑑湖卽看湘浦同陽羨舊號新名次第

更前堂後圃書題遍莫欺我不識江南已向元暉句中見

張公洞紀遊

杭淮

重遊名山三月暮維花洞口春溟濛捫蘿累足入地底逸
思飄然凌太空舉頭顛崖若覆蓋瓊脂玉乳懸玲瓏危臺
百尺俯幽奧疑與元圃滄溟通中有石笋起撐突傍覺巨
象駝蒙茸烟雲氤氳不出戶時有石燕飛空中蟠拏又如
伏虎豹踴躍或似舞蛟龍千態萬狀接不暇吐舌駭此造
化工眼無廬山瀑布泉暗滴石上時淙淙把炬搜奇更深
入日午重關掩瞳矐手撫石牀蹴丹田恍聞玉女歌仙童
丹田芝荒石牀冷至今修鍊留遺蹤世上三十六洞天不
知誰爲似張公吾生足跡半天下空聞海上有方蓬金銀
宮闕拂紫烟綠窻玉樹生華風弱水三千不可渡求仙卻
笑人匆匆不如騎鹿訪茲山蒼崖咫尺非難從爲語同袍
二三子解脫還應早擊蒙白日飛昇未足問靈襟已覺煙
霞充憶昔遊時當少壯愧今蹉跎成老翁

遊東坡書院次方金湖韻

湯建衡

坡老英豪揮八極陽羨荒祠蘚痕碧買田舊事已茫然橘
頰猶存書咫尺文章萬卷希世珍烏臺遺案羞空陳潁川
歸來世事已江山我輩還登臨章惇舒直何足數父子聲
華炤千古子由兄弟世緣深芳草池塘感春雨先生一去

五百秋碧水丹山麋鹿游松杉歲歲巢水鶴樵童牧豎歌
荒坵古砌蒼苔餘鳥跡浮世光陰真一息風流偶儻不可
尋猶是遺文存斷石於今筆陣海潮平二難四美難具并
誰云後世絕知己君侯具眼開雙睛木落高秋尋老屋正
值山中紅友熟殺牲烹黍奠生芻冠蓋森森禮儀肅屈指
春秋幾變更尊前之酒身後名人間富貴亦何有不如千
秋萬歲彝鼎長留銘

城南懷古

僧宏倫

四山落日蒼烟裏斬蛟橋上腥風起樵客歸途射虎墩月
沈弓影清波底劍履幽宮濕莽中石麟欲臥野棠風綉旗

畫鼓年年社鐵馬神燈夜夜紅

市人於陰夜嘗見金戈鐵馬擁神燈而行野老

家傳風土編山川淳樸義熙前將軍祠廟清溪上亙古忠

名日月邊

竹山

一名竺山以其似天竺也或曰足山山之奇在足云

史懋錦

巖然足山當湖衝上有古刹凌空濛登峯放眼渺無際浮
乾盪坤開心胷秋雲明淨秋飈爽三萬六千平入掌水天
相接涵虛無點點青螺波下上冥摛攜伴窺山腹鬼斧神
工眩心目鼃鼃之窟蛟龍宮飛仙羽客紛遊踪莫向桃源
問仙谷石牀丹竈在幽矚誰道竹山無足奇竹山之奇在
山足

善權洞

國朝 任繩寵

林泉色色留陰穠天風剪剪吼蒼松新綠上山浮落日遠
雲下水飛蛟龍洞府何年玲瓏碧疑是神仙太古宅高低
如畫景如詩野鳥似歌花似席竹樹橫斜古寺青小橋曲
徑題崖屏如看鐘磬來遙夜明月禪房點道經

彥昇釣臺

潘宗洛

南山傍水蜿蜒走萬派泉來匯作沆和日輕波繡縠文靜
涵天地如未剖昔聞百尺巖岡高危崖挺出凌波濤何如
平陂壘石碁安于薄宦寄城壕佩符公子鎮鵝州朝朝閒
坐溪灘頭蛟龍懾服不敢擾橫竹 拂珊瑚釣吁嗟平當

年釣臺湮沒無餘存總有持竿垂綸者難與風流太守同
時論

杜牧之水榭

許豈凡

陽羨泉通罨畫溪兩溪榆柳列漁磯臺空舊說任公釣榭
去猶傳杜紫薇紫薇十載揚州住風流跌宕何豪舉贏得
青樓薄倖名晚來陽羨花深處檻外多開射鴨闌鷓鴣菰
蔣滿晴川春深漲發桃花水十里荷香好放船門前流水
舊時灣碧玉簪抽雨後山蔚藍天淨明如鏡小杜曾經照
玉顏

荆溪雪後送殷介持歸膠城

謝方琦

朔風蕭蕭林竹折曉來門外千山雪有客淹留陽羨城愁
聽旅館雞聲咽仲文儒雅舊知名漂泊江湖百感生故園
東歸歲云暮斷冰寒月他鄉路村橋早發行人稀凍浦舟
橫不敢渡朱門重裘被僮僕文章不救窮途哭短衣衝雪
君無悲寒士何當謝荒谷君不見少陵廣廈空高歌江上
秋風捲茅屋

村外之小樹

有豈凡

重刊宜興縣舊志卷之十

藝文志 歌行

茶山貢焙歌

唐李郢

使君愛客情無已客在金臺價無比
風三月貢茶時盡
逐紅旌到山裏焙中清曉朱門開
筍漸見新芽來凌烟
觸露不停採官家赤印連帖催朝饑
暮餽誰與哀喧闐競
納不盈掬一時一餉還成堆蒸之
餗之香勝梅研膏架動
轟如雷茶成拜表貢天子萬人爭
春山摧驛騎鞭聲春
流電半夜驅夫誰復見十日王程路
四千到時須及清明
晏吾君可謂納諫君諫官不諫何由聞
九重城裏雖玉食

歌行

見

天涯吏役長紛紛使君憂民慘容色就焙嘗茶坐諸客幾
回到口重咨嗟嫩綠鮮芳出何力山中有酒亦有歌樂營
房戶皆仙娥仙娥十隊酒百斛金絲晏饌誰經過使君是
日憂思多客亦無言微綺羅殷勤繞焙復長歎官府例成
竟如何吳民吳民莫憔悴使君作相期爾蘇

還山吟送沈四山人

高適

還山吟天高日暮寒山深送君還山識君心人生老大須
恣意看君解作一生事山間偃仰無不至石泉淙淙若風
雨桂花松子常滿地賣藥囊中應有錢還山服藥又長年
白雲勸盡杯中物明月相隨何處眠眠時憶問醒時意夢
魂可以長周旋

陽羨春歌

宋陳克

石亭梅花落如雪土皴爛斑竹菇赤祝陵有酒清若空煮
煨蒸魚作寒食長橋新晴好天氣兩市兒郎擢船戲溪頭
鏡鼓狂殺儂青蓋紅裙偶相值風光何處最可憐邵家高
樓白日邊樓下遊人顏色喜溪南黃帽應羞死三月未有
二月殘靈龜可信渰水乾封草青青促歸去短簫橫笛說
明年

題荆南精舍圖

元楊基

先生荆南客久住荆南地荆南山水清且奇綠玉芙蓉亂

金翠上有噓風嘯月之於菟下有衝波激石之神魚驚瀾
怒濤不敢渡青林欲上愁號呼山人川嶽靈拂劍睨九州
蒼蛟授首白虎斃丹崖碧水成安流銅官聳西來歷歷青
可數鸞如飛虬蟠飄如怒鯨舞先生愛之不忍去結屋溪
南卧秋雨溪南山色三千丈正與茅堂屹相向一箇青猿
霜外啼半規明月松間上先生居其中日採澗底薇讀書
三十年而無喜與悲乾坤一變亂飄泊不得歸豈不懷故
丘夜夜夢見之先生先生慎勿憶爾之草堂湖水百里遙
相望高山可梯水可航何當贖買樽中酒陽羨溪頭共晚
涼

湖上吟

沈貞

悠悠湖中水不可窮冥搜幽幽湖上山不能成勝遊山水
茫茫天盡頭扶桑日漾紅玉毬把酒臨風相勸酬高咏大
唱驚眠鷗紫霞流光拍天浮豪鳴鼉鼉舞蛟虬龍伯國人
持釣鈎不肯浪中投鴟夷子皮竊妻來不肯下扁舟大笑
立湖邊欲知此意不半岸烏紗巾斜披紫雲裘秋風吹骨
寒颼颼麾斥八極隘九州傲睨物表瞪雙眸狂呼李太白
捉月遡浪流喚取岑夫子復召元丹邱元氣未洩如覆甌
神仙有無不可求此卽是蓬萊此卽是瀛州何須白玉京
五城十二樓胸中長虹爛不收奚爲自繫如楚囚莫學仲

尼栖栖魯莫作孟子區區鄒長笛一聲孤鶴橫秋與爾爭
洗萬斛之閒愁山幽幽水悠悠

送吳老歸宜興

明羅圯

遺金在道吾亦攫入朝爭名戰自惡奚爲徒手長安歸骨
瘦脰長如野鶴君不見饑鴟低飛啄腐鼠飽鳴人屋人射
汝又不見鶴飛入層雲赤睛炁炁窺天文腹則饑眼獨飽
下栖舊林覺林小征西廟前是舊林鳳凰巢高喧百禽

萬松樓歌爲沈懋常題

卞榮

南遊陽羨里訪我沈夫子夫子好門牆高樓面山起山中
種松一萬株萬松名樓揭大書吾聞古有萬松閣若比此

樓良不如松風徐徐來翠濤滿樓響分明太湖三萬頃置
我樓中几席上松月皎皎出蒼烟淨無迹誰遣驪龍領下
珠照我玉容如雪白祝融空自鞭火龍烈焰不落清陰中
殷其雷在南山下螭龍何曾戰於野空花皆幻爾鬚叟獨
蒼然與樓結好三千年星辰拂動蚪枝摘白雲招入鶴帳
眠長材直幹作棟梁夫子勅賜尙書郎會封十八公吉夢
非尋常勸君多釀松花酒我欲登樓再獻崑崙笑拍闌
干醉一場

石亭歌

吳仕

青天作障雲作屏超然中結水心亭金尊細滷簞管綠湘

簾半捲芙蓉青長松亭亭十萬樹石骨纍纍太瘦生九霄
 使者三楚英西來聲價何崢嶸黃鵠山中駕鶴仙青虬海
 上釣鰲客五湖煙月在揮毫甯羨區區九州伯一朝令下
 神鬼驚長蛇封豕潛無跡風清日永政多暇獨往山中訪
 遺逸石亭西隔畫溪雲有客悠然會此心手扶銀潢飛百
 尺卧對香爐碧萬尋興來獨撫綠綺琴天風颯颯吹冠衿
 仰天長嘯復三歎高山流水幾知音酒酣拔劍起欲舞千
 山紅間萬山紫意氣逢君豈偶然宛奏蕭韶諧角徵沿流
 俯首拾飛鷗月在珠宮天在水一聲殘磬萬籟寂四顧蒼
 茫悄無語支頤覓句良亦苦不妨撚斷幾莖髭青驄入鞵
 人語亂野燒無光林葉稀枕流漱石真吾事浴日補天唯
 爾爲雲山一會何由再從此相思減帶圍

坐懷蘇亭焚北鑄爐以陳壺徐壺烹洞山芥片歌

熊飛

顯皇垂拱昇平季文盛兵銷遍恬喜是時朝士多韻人競
 仿吳儂作清事書齋蘊藉快沈燎湯社精微重茶器景陵
 銅鼎半伯沽荆溪瓦注十千餘宣工衣鉢有施叟時大後
 勁撫陳徐凝神昵古得古意甯與秦漢官哥殊余生有癖
 嘗涎覲竊恐尤物難兼圖昔年挾策上公車長安米價貴
 如珠輟食典衣酌夙好鑄得大小兩施爐今年陽羨理猶

架懷蘇亭畔樂名壺蘇公癖好予梓里此地買田貽手書
 焉知我癖非公癖臭味豈必分賢愚閒煮惠泉燒柏子梧
 風習習引輕裾吁嗟洞山芥片不多得任教茗戰難相克
 亭中長日三摩挲猶如瓣香茶話隨公側
顧智跋偶檢懷
 殘編得熊君懷
 蘇亭歌詞想見承平盛時風流暇逸今亭既淹沒烏有官
 斯地者無復曩時焚香煮茗之況故付梓於誌以誌學宮
 昔有此亭亦見陽羨
 壺茗固甲天下也

父老行送鄒縣丞

王晏

春風輕春雨晴孝侯祠前溪水生桃花初紅柳初綠父老
 慇懃來送行殷勤杖扶策父老言感激官長多賢明三載
 今考績官長前年始下車教化吾民苛政除門靜鄉無叫
 囂吏婦女育蠶男讀書官長今年朝闕去田辟荒蕪戶增
 數利澤於人惠有餘往者紛紜奚足慕玉殿承恩拜舞回
 織成鸞誥錦文開京華得意看春色還作吾邦父母來父
 老於時出郊野接官兒童騎竹馬

修禊行

國朝 徐喈鳳

春光已去三之二楊柳枝頭百舌沸雨絲斜織花滿地放
 船溪口共修禊溪口風狂船且繫開尊接席羅珍味船前
 何所見南山空翠來天際船後何所聞漁父高歌頻鼓枻
 浩渺烟波饒畫意鬱蒸城郭籠佳氣須臾風小天欲霽坐
 客詩詞成次第徐庾潘陸盡雕龍清辭麗句人人異酒酣

耳熱說蘭亭情隨事遷感慨係君不見堤邊舊日平泉莊
樓傾臺圯池館荒管絃粉黛歸何鄉勢燄繁華那得長臨
流應復飛羽觴秉燭歸來亦奚妨後之視今今視昔從來
不朽惟文章

田父歎

徐騰鸞

吁嗟天至仁雨膏胡久屯六月終七月雲漢昭秋旱老穉
同生計西成望的的手足勞既竭魃虐如熒焚羣黎自多
辜哀泣忘昏晨青苗色盡赤薄漑徒艱辛溝澮澤已涸枯
棹徙廣津穎粟甯有期拜祝竟無靈去年夏大水今年曠
枯槁兩歲苦薦饑里社空簠簋嗚呼造命惟哲王從來至

德回凶荒浩浩懷襄轉豐阜蟲蟲降蘊還沱滂陰陽調燮
滋稼穡宸宮動息通紫極但祈箕畢按候明吾儕擊壤歌
帝力

升天行

為張烈女賦

吳固本

麻不扶自直玉不礪自潔蘭雜蕭艾而彌芳兮貞女處薄
俗而益烈張氏有好女兮未嫁而婚歿母行臨含兮女請
隨行而泣血母不聽兮女畱在室不待母歸兮遽扼吭而
自絕是何有保姆之訓兮非計修名之可立豈彼媿夫披
猖之妖女兮志士聞之嚙指而鳴邑彼為守夫喪不如早
嫁耶之說者兮可自茲而結舌吁嗟乎生不同衾死同穴

兮華山畿猶遜其芳則亂曰青童垂髻雙兮手持絳節長
兮驂駕虬麟翔兮霓帷霧蓋張兮奠霞羹而酌瀼漿兮
殷鼓而風鳴篳兮導女上太清白玉之堂兮下視女德之
跌跂兮若蛆生蠅乳逐穢吞腥亦可傷兮

南山歌 冒雨尋南耕讀書處

曹湖

吾聞老蛟無情壯士苦劍抉波濤一起舞又向南山山頭
射猛虎青松黯黯日色古至今雷雨無行人我獨衝泥亦
何補五里渡一水十里坐一石谿迴路折千花明野鼠山
雞怪人迹偶逢樵衲山上來問之不語心徘徊合樹飛泉
變秋響空碧倒瀉金銀臺南耕北耕乃在楓隱之上 楓隱吳孝

廉故園捨為寺石壁之下頻年讀書不肯休欲就懸崖結廬舍匡

家有弟汝有兄偕隱千秋亦其亞栖鳥呼飛鳥鳴春草茁
秋草榮千松萬竹雲為聲春然霹靂坵巒驚洞天石扇空
中行青鸞白鶴毛羽潔天高月出聞吹笙我來坐此四五
日於世已覺忘其名東山有雙屐北山有移文猿鳥絲竹
徒紛紛吁嗟乎不如南山萬古之浮雲

奈墓歌

龔勝玉

荆溪先賢邱墓少但知崔嵬周墓墩奈公埋劍在杏村可
憐瓦礫尺土存秋風禾黍孔道旁行人百過不相向小院
孤僧在墓側遊魂寂寞空惆悵相傳奈公賢聖倫薦兄自

黜友道教昔年彤管深嘉許口碑湮沒今不論吁嗟乎喬
木蒼松子隱墓焚香爇燭人相親公與子隱同忠槩憑吊
祭享無一人草色蒼涼杏花死大魁神道今如此比鄰烟
火迷荒津我爲公歌公不聞

陳生行戲送其年歸陽羨

王士禎

陳生陳生爾旣不能入淵斬長蛟又不能登山射猛虎復
不能無賴作橫苦鄉里十載哦詩守環堵徒抱輪囷一片
心藜藿黽黽相枝拄昨日渡江來今復渡江歸運租船上
苦憔悴風高浪湧橫江磯朝來寄我新詞句明月無情蟬
鬢去五湖歸去伴漁竿楓岸蘆汀不知處季鷹鱸膾思江

東我亦年年歎轉蓬期汝扁舟同射鴨銅官山下竹枝弓

日昃弔晉周將軍處墓

儲大文

噫吁嚱雍雲不反吳雲悠悠涼飈參差吹絲浮游寶刀雕
弓地下畱陸家健筆空橫秋江北兮五馬江南兮五侯侯
家帝里長已矣至今墓道羅松楸噫吁嚱誰令雙溪日夕
波卻作隴水東西流

張公洞

儲雄文

秋陰壓山埋死灰行纏戴笠踉蹌來山人導我覓古洞厠
足暗穴相疑猜須臾列炬驚欲倒造化於此根胚胎神仙
作計太狡獪搏弄沙石如塵埃若堂若奧若閭闔錯置上

下煩煙煤花田徑渡蹋魚脊以尻代趾膝拄頰眾聲哈呀
 忽叫絕舉頭一線圓光開迎光競進轉瑟縮總有耳目難
 爲才或如驚風排壑冰爪立鞭撻蛟蜃豎尾撐高桅或如
 萬釘扳筍春鬱淳不辨貓頭鳳尾磕磕搜怒雷亦鳥亦獸
 翥且舞非煙非霧往復迴亭亭姹女捲簾出鬢風一尺裾
 雲裁指點翁媪守丹處几榻瓊淨鋪尊罍其餘瑣屑不足
 數收我視聽凌高臺暗中乳管互包絡遺憾未及探根芟
 行看捷足騰洞口已有日光倒景一片苻藻交莓苔踞崖
 百喚不一應安知予樂非魚哉

重刊宜興縣舊志卷之十

藝文志

五言律

送臨津房少府

唐楊炯

岐路三秋別江津萬里長烟霞駐征蓋絃奏促飛觴階樹
 含斜日池風泛早涼贈言未終竟流涕忽沾裳

秋夜宴臨津鄭明府宅

杜審言

行止皆無地招尋獨有君酒中堪累月身外即浮雲霜白
 宵鐘徹風清曉漏聞坐攜餘興往還似未離羣

送陸鴻漸南山採茶

皇甫曾

千峯待逋客香茗復叢生採摘知深處煙霞羨獨行幽期

山寺遠野飯石泉清寂寂燃燈夜相思磬一聲

晚次荆溪呈崔明府

張祐

艤舟陽羨館飛步繞疎楹山暝水雲碧月涼煙樹青長橋
深夜影遠櫓下溪聲況是無三害絃歌初政成

送義興元少府

李端

逢君惠連第初命便光輝已得羣公組微妨太傅譏路長
人返顧草盡燕回飛本是江南客還同衣錦歸

宿荆溪館呈邱義興

嚴維

失路荆溪上依人忽暝投長橋今夜月陽羨古時州野燒
明山郭寒更出縣樓先生能館我何事五湖遊

送喻鳧及第歸陽羨

姓字載科名無過子最榮宗中初及第江上觀難兄月白

波濤沒茶連洞壑生石橋高思在且為看東坑

望湖笑良天與非衣換幽嵐氣

八月渡長湖蕭條景物疎西風片帆急暮靄三山孤許國

心猶在匡時術已虛岷峨家萬里投老得歸無

舟過湖沒泊丁山

雞犬三家市蓬蒿一畝宮蘿牽籬幕翠葉墮砌堆紅宿鳥

來還去微泉咽復通幽林殊未已落日滿疎桐

日下殘紅斂煙深積翠重鷗輕沒浩蕩魚樂自從容野饁

迎秋穫鄰謳相夜春田翁有真意一笑酒中逢

題通真觀 元陳鈞

萬木鎖幽寂窗虛夜氣清松風醒酒病蕉雨聽棋聲老子
來不榻山人勸避名避名何處去煙浪五湖程

贈瀾湖隱者 陳師魯

延陵隱君子居傍五湖濱日呂忘機鳥時收墜網鱗悠然
遺世故樂矣見天真我亦耽幽處於焉願卜鄰

上金牛嶺 沈貞

一上金牛嶺令人野興多尋詩旋澗谷採藥挽藤蘿振臂
風醒酒搖頭鳥和歌烟中起長嘯塵世欲如何無可

遊會仙巖 徐伯通

溪水碧溶溶東南聳眾峯斷崖蒼蘚合深塢白雲封幻世
真堪厭仙蹤不易逢何年傍西崦結構遂疎慵

過任昉釣臺 周砥

雪樹參差短寒山迢遞明深春釣臺沒殘照夕嵐輕萬化
同斯盡孤名如水清誰悲范僕射千載見交情

南山小隱 王超

一室南山下蕭然雲半間芹菹便病齒野服稱衰顏塵鞅
何曾到仙輦或可攀莫嫌渾嬾媿幽事亦相關

雲林幽勝處徐孺有茅亭巖溜到池靜簷峯隔幔青山瓢

椰子酒石室蕊珠經媿彼塵途客東華夢未醒

大潮山

卞榮

陽羨誰為鎮東南第一峯陂陀結蘭若湖水浸芙蓉禹貢
良材具坤輿秀氣鍾出雲作霖雨此處有人龍

同祺罨畫溪

夏瑄

春草翠連隄春流綠漲溪不知溪遠近但見樹高低雨過
花爭發風來鳥亂啼藤翻波影碧妙絕畫難題

蜀山書院

陳公懋

萬疊雲山裏坡仙迹已陳依微殘壁夜寂歷野花春光氣
橫孤漢文章滿後塵懷賢動長思何處采芳蘋

遊善權洞

時宜與尹何伯直同行

楊一清

餘興尙崔巍盤旋去卻迴停杯遲岫月躡屐破林苔歌吹
緣雲上茶煙引鶴來奇觀誰解賦何遜故多才

荆溪道中

孫一元

樹夾蒼崖立遙遙溪路微浪花迎棹尾山影上人衣饑鶻
鳴將下頽雲凍不飛還尋舊遊處日暮漁樵稀

同吳頤山諸公荆溪泛雪

王大用

重過泰伯宅共作剡溪遊愛雪飄尊俎看山失島邱水雲
無迹鳥衰笠有漁舟興盡已昏黑醉歸鸚鵡洲

飲雙溪圍塢莊

吳仕

峯回谷仍轉人語隔疎林曲澗春流細微風午坐深惜花
聊對酒把竹共論心更好樓頭景鈎簾碧萬尋

菴畫溪泛舟

蔣山卿

水向桃花發溪從菴畫遊春風漫搖蕩孤棹好夷猶碧浪
牽魚藻清沙點雪鷗任公釣臺在吾欲一垂鈎

暮春遊陽羨

唐順之

青溪知幾曲惟見白雲深一入蘼蕪境欣聞樵採吟春鶯
未停囀夏葉始繁陰乘此縱長嘯悠然物外心

雨中遊善權

周天球

山雨颯寒愁山嵐翠欲流不孤攜屐往直擬採真遊木落
蒼崖豁泉鳴古洞幽仙期不可卽濁酒漫淹留

經臨津城廟

湯建衡

舊縣猶存廟淒清溪水陽居人聚村落賽社說城隍古樹
喧烏雀平疇襍稻梁維舟一登眺落日正蒼蒼

雨遊善卷

吳貞吉

古殿層霄外遊人雲霧邊長松開綠徑新雨出鳴泉屐齒
添山響村炊合暮煙登臨思往事身入大唐年

憩芙蓉寺

楊起祥

夏日宜幽曠卑棲毒熱偏祇緣僧舍好來借石牀眠徑轉
疎疎竹池通細細泉香消柏子火高咏下蒼烟

秋日山居

任名臣

黃葉溪邊路悠然一徑通好山遮不斷遠水積疑空粉墜
愁蓮渚香來訪桂叢里人機事少吾亦是愚公

善行洞看杜鵑

鄧秉貞

善行本為長者得名而今之遊善行者專為杜鵑絕
非為高僧遺跡也昔人謂羊叔子不如銅雀妓今可
謂善行長者不及杜鵑花耳雖然微杜鵑人并不知
遊善行矣是杜鵑猶為善行護法也雖然吾又惡知
長者不以杜鵑而為
善行乃詩以當偈

入山應免俗翻為踏春行古洞留僧號繁花帶鳥名役魂
應見色啼血且無聲只恐春歸後緇流惡獨清

東城春望

國朝 儲方慶

城上春光滿登臨興自賒輕風拂楊柳晴日照梅花京國
迷天路山川感鬢華留連惟野色郭外幾人家

張卯潭

湯能翀

山下一泓水無人空自清波搖修竹亂石出早潮平天地
留真境林泉誰有情惟餘深澗底幽草逐時生

攜友南岳

蔣偉

探幽向層碧攜友還獨行氣合衣多濕風來鐘自鳴閣懸
山色滿足到澗聲清伏虎名知久歸來已二更

陽羨茶泉

盧士登

嶽秩從吳禪幽泉卓錫停花間開照鏡石底落明星品合

重刊宜興縣志 卷十
中冷美姿分上貢馨盈盈常不溢源遠自通靈

蛟橋夜月

中流環粉堞夾岸卧長虹水合羣山秀花深萬井融冰輪
開玉宇霜鏑淨蛟宮解取姮娥意清光孰許同

遊芙蓉寺贈雪上人

徐階鳳

春晴動遊興輕棹渡溪沙竹隱高僧屋雲封古佛家疎鐘
空萬籟仄嶺鎖孤霞脫俗歸蓮社頻來坐小車

遊張公洞二首

史鑑宗

一卷藏島嶼誰闢此壺天反振峯巒勢全屏日月權分明
列堂喚恍惚隱神仙只恐追尋去桃花在隔川

趁有煙霞侶同探造化工直疑窺鬼谷還恐動蛟宮側石
飛梁渡懸崖小罅通燭龍如可達我欲鑿鴻濛

同李研齋遊南嶽寺二首

吳固本

亭午入南澗尋山忘我疲陰崖疑虎近荒寺得僧遲竹喜
竿竿大梅涎個個垂日闌吾欲住草具果相宜
卧樹通人過林深覺伴稀山魈晴欲出蒼鼠晝能飛逆旅
原今古空山何是非最憐塵世外衰盛亦同歸

渡西溪將至西墟別業

吳本嵩

舴艋知溪性微風水不波鶉鷓聽處見楊柳坐中過泛宅
心空切歸田話較多身居圖畫裏不隱待如何

善行洞與山僧茶話

吳梅鼎

高嶺參天立烟雲曉夕生山靈留勝地石屋喜新成松偃
虬龍跡巖棲鸛鶴鳴心期就林壑相對眼雙明

過周孝侯墓祠

今年秋事盡搖落又如斯聊復登高望間吟晚眺詩鳥聲
風靜處山色雨晴時一片祠前草萋萋似黍離

龍池

陳維岳

憶昔探奇勝題詩池上樓亂山雲石古一徑竹松幽怪侶
嵇中散名僧湯惠休曾聽夜半雨龍跡至今留

泊東湖雙橋

岳麓

凌晨過夾浦日暮泊雙橋就網分鮮鮒提壺倒濁醪山光
浮近遠帆影沒波濤笠澤誰云濶葦航信未遙

舟泊荆溪卽事二首

李珍

十月江南地輕衣未覺寒水光明玉女煙色暗銅官風葉
時時落霜花處處繁斷蛟橋下路懷古每憑欄

曠色空如洗千峯一抹勻疎星懸樹杪曲水度城闌鴈織
雲邊錦魚翻沼面銀徘徊忘夜永寒笛更撩人

雨中游罨畫溪

徐江普

亂雲生極浦小雨失山邨一艇衝寒發綠溪問水源崖空
仙跡杳樹老鵲巢昏不見桃花浪春歸無片言

宿畫溪庵

儲雄文

古寺夕陽邊霞蒸竹氣鮮人耕石面土泉響洞中煙萬木
月坡立數星禪榻懸聊隨羣動息鐘梵亦泠然

溪橋候月

蕭趙炎

候月荆溪口初涼橋上生星辰秋在水河漢夜無聲農火
歸殘蒼漁家話淺更興來忘所待人影欲同行

夜渡東溪

謝方琦

倚棹看雲漢溪干夜色餘舟行秋樹裏月上曉鐘初極浦
沙鷗散村橋野竹疎到來啼鳥亂風葉滿階除

重刊宜興縣舊志卷之十

藝文志 七言律

遊荆溪

唐嚴維

銅官之山溪水南周處廟前多夕嵐看捲雲帆歌白苾勸
嘗春酒破黃柑長林獨往誰能覓幽事相關性所耽若欲
避喧那畏虎尚從地主結松龕

三月三日同義興李明府泛舟

皇甫冉

江南煙景復如何聞道新亭便可過處處藝蘭春浦綠萋
萋藉草遠山多壺觴須就陶彭澤風俗猶傳晉永和更使
輕橈隨轉去微風落日水無波

題善權寺石壁

李 蟻

四周寒暑鎮湖關，三卧漳濱帶病顏。報國雖當存死節，解
龜終得遂生還。容華漸改心徒壯，志氣無成鬢早斑。從此
便歸林藪去，更將餘俸買南山。

題天申宮

宋 維

殿閣盤空壓巨鰲，洗然靈迹助風騷。玉龍卧久洞雲冷，元
鶴唳頻山月高。深谷羽童探石菌，曉堂眞侶飲仙桃。可憐
不悟長生者，塵裏區區改鬢毛。

次蔣穎叔韻

宋 蘇 軾

月明驚鵲未安枝，一棹飄然影自隨。江上秋風無限浪，枕

中春夢不多時。瓊林花草聞前語，罨畫溪山指後期。豈敢
便爲鷄黍約，玉堂金殿要論思。

張公洞

蘇 轍

亂山深處白雲堆，地坼中空洞府開。繭瓮有天含宇宙，瑤
臺無路接蓬萊。金芝春暖青牛卧，珠樹月明黃鶴回。此日
登臨興何限，春風吹綻碧桃腮。

東溪

梅堯臣

行到東溪看水時，坐臨孤嶼發船遲。野鳧眠岸有閒意，老
樹著花無醜枝。短短蒲葦齊似剪，平平沙岸淨於篩。情雖
不厭住，不得薄暮歸來車馬疲。

題張公洞

單 鏞

松菊投荒山水間阿誰指點到
仙寰洞門龍出雲猶濕石
室丹成火欲寒百越樓臺摩詰
畫三吳煙水季鷹閒陶然
醉卧花間酒細納餘香滿袖還

勝果寺

周必大

門前疊嶂鎖烟霞澗底流泉泛
落花藏卻三衣辭寶社寄
生二子在農家聽經日到斑斑
虎獻茗時來白白蛇是聖
是凡都莫測世人休謗亦休誇

望太湖

蘇 頌

杳杳波濤閱古今四邊無際莫
知深潤通曉月為清露氣

入霜天作溟陰笠澤鱸肥人
膾玉洞庭柑熟客分金風煙
觸目相招引聊為停橈一楚吟

吳 雲

題宜興迎華驛

無名氏 建炎間人

家問不來秋夜長白鷗眠處倚
牙檣風搖湖水動山影天
壓隴雲低雁行菊老過時猶嚼
蕊魚逃無水尚鳴榔洗兵
馬詔何時下免遣農夫坐女牆

笠澤漁隱

元 陳子貞

方塘如鑑石如峯落葉平蕪覆
一重雲作晚陰低薜荔水
涵秋色亂芙蓉黃冠道士松間
過白雪漁舟月下逢尙想
天隨無俗伴應攜茶竈與從容

善權山洞

張雨

善權離墨爭盤紆浩劫礪柯仙人廬莘莘石林壓水府往
往閒道通樓居壁藏已出黃素卷穴處猶多青綠魚愛此
長連煮茶竈待我盥漱沾遺餘

題荆溪圖

明周砥

荆南山水昔曾遊離墨銅官嵐翠浮任昉臺前好垂釣張
公洞口不容舟綠蘿搖雨花飛急白鳥衝烟浪未休今日
披圖一惆悵王君住處憶風流

遊張公洞

吳雲

天開地闢神仙窟壯觀荆溪第一峯紫府移來知上界青
驟去後見遺踪柯消石室棋聲歇花落巖扉麝氣濃我欲
步虛窮睇眄雲深直恐伏虬龍

過蓮溪

高直

菴畫溪頭賀鑑家碧涵天影淨無瑕微霜色染青楓樹流
水香飄白藕花風急片帆投極浦日斜一雁下平沙扁舟
載得蘭陵酒來候星郎八月槎

瀾湖

王超

湖上人家淡夕暉青山數點映柴扉桃花流水迷歸櫂楊
柳東風拂釣磯晚飯香抄雲子粒晨羹細斫錦鱗肥卜鄰
我欲從漁隱歲晚滄洲願不違

重刊宜興縣志 卷一
金鵝峯

金鵝秋色淨塵氛每憶登臨賦夕曛一徑曲通瓊島上兩
峯高並翠屏分禪宮遠近皆紅葉鳥路蒼茫半白雲許我
結茅曾有約山靈不必重移文

送仲弟時望歸爲義田之舉

徐溥

扁舟憶昨上神京知爾非圖利與名先志未忘年尙少義
莊欲置議初成族同公藝雖無及制做希文定可行莫惜
殷勤爲久計緘書早報慰深情

黃瀆舊居有感

沈暉

黃瀆移居二百年門前喬木蔚參天春風楊柳湖邊路曉
雨桑麻屋後田撫鵲非關鳩性拙巢松休怪鶴情偏傳家
不用千金積架上遺書有一編

蜀山草堂

胡連

春風禽鳥自相呼最愛茅亭水竹居詩有投簪解珮句人
傳射虎斬蛟書玉堂金馬論思後白酒黃鷄鄉社餘我到
蜀山祠下拜荻花楓葉值秋初

邀費鷺湖過山莊避暑

吳儼

小洛橋西碧澗長濯纓不必問滄浪五湖地瀾居偏靜六
月山深夜自涼池面雨浮菱葉亂門前風細稻花香高旌
暫住茅簷下音信何愁滯異鄉

荆溪道中

文徵明

扁舟十里下荆溪落日蒼涼草樹低絕巘疑暉知積翠晚
風吹水欲流漸行逢曲渚常疑斷遙聽荒雞近卻迷一片
沙鷗明似雪背人飛過野塘西

遊善權

方鵬

肩輿冉冉欲凌空翠竹蒼松隔水東三洞直通溟渤外諸
天疑在渺茫中獨憐地主來今雨更羨山僧抱古風明日
又從何處去雪泥踪跡笑飛鴻

義興八景詩

有序

方逢時

嘉靖壬寅子筮仕義興聽理之暇觀風景內愛其山
溪洞巖幽深奇絕多天成之巧不假人為命駕操舟

使人樂而忘反因誦韋應物縣多山水真仙吏之句
若有得焉爰考圖志見其所載十景者可以槩其一
二而未盡也命工繪之成冊垂三十年矣歸自雲中
林卧無營翻閱舊笥止存其八時復展玩恍然身在
玉潭銅峯之間與張公玉女相邂逅也各賦近體一
章以紀之夫壯年奇趣消磨漸盡追憶舊遊慚無惠
政而佳山佳水知自無恙也撫景興懷良增一慨

龍池夏雲

何年飛去舊池寬噓氣氤氳尙未乾三伏炎威蒸下濕九
霄清絕溢高寒人間漫自驚神蹟帝世曾聞紀瑞官欲學
無心蟠大地石林金谷共盤桓

蛟橋秋月

雙溪秋水淨無塵隱隱長虹跨遠津丹桂香飄蟾窟曉白

重刊宣興縣志 卷一
榆光散蚌胎春關山有恨飛橫笛河漢無聲轉玉輪劍氣
尚冲牛斗在九淵何處泣蛟神

泝溯雪蓑

奇英六出洒長洲小艇雙溪泛遠流結習何緣花著體雕
鏤孰是玉盈眸坐温蓬底春生盍起舞風前月掛鈎醉卧
不干塵土夢牛衣堪笑泣孤囚

國山煙寺

塵世茫茫幾劫灰化城依舊碧山隈諸天樹老悲猿鳥五
葉花殘空草萊僧定石狀雲寂寞泉流玉澗日昭回須知
至理無生滅何事三生有去來

陽羨茶泉

一泓飛雪落晴峯萬樹流雲散曉空采處喜逢金粟長汲
來驚見玉花濃乘風便可遊三島錫貢應先上九重欲識
山中清絕處試將標品問盧同

畫溪花浪

春盡溪南花亂飛東風罨畫見葳蕤影涵魚藻搖空碧香
逐鳧鷺盪遠漪漁父醉時歌欸乃女郎遊處鬪腰肢扁舟
記得經行日霽雨晴烟錦纜遲

玉潭凝碧

萬壑中盤一鑑開昆明浪說有秦灰光涵翠碧煙霞淨寒

浸青冥象緯回睡穩驪龍珠白媚練成冰爾錦難裁不知
玉女今何處濯罷長纓歸去來

銅峯疊翠

羣峯蜿蜒鬱流虹障列荆南紫翠重萬古雲霄懸鳥道雙
飛日月轉龍宮溪沈霽景冲融裏樹染晴嵐杳靄中卻憶
當年抱琴處捲簾圖畫對花封

大潮寺

沈 敫

瘦竹扶吾到上方湖山一覽盡吳鄉千年福地煙霞合六
月薰風殿殿涼源老去未應詩思減醉來還覺禮容莊七言
援筆俱成就金谷誰當飲罰觴

初夏同友入芙蓉山

吳達可

經春日日掩郊扉喜是同心寄所思山鳥有緣還自語巖
花無意向人期已甘水石同身老何事塵寰入夢思爲問
來來亭上月幾人共賦白雲詞

國山煙寺

蔣如奇

巍巍古刹與雲平夾砌松濤入檻迎陸洞千尋環水洞三
生一偈證無生蒼茫薜蘚殘碑立峭削琅玕玉柱明貪看
翠煙迷遠近移時淒梵喚人清

龍池曉雲

萬 濯

松徑千重入翠微杉風春老落緇衣閣招海日紅堪掇檻

貯巖雲白欲飛蘭若已沈禪月影蒲團猶映梵燈輝禹門
佳景今仍在鉢裏池龍上玉磯

周侯古祠

任名臣

仗節惟餘土一邱千年劍履此中幽西戎藜藿生前恨落
日牛羊塚上愁射虎亭荒風自烈斬蛟橋在水仍流可憐
祠廟渾如昔古木陰陰集暮鳩

畫溪花浪

青山曲曲抱溪迴十里藤花送酒杯啼鳥過時紅欲碎遊
魚沫處綠成堆紋疑西子鬢中見艷逐魚人問後來獨有
錦江差可擬攜樽應得恣徘徊

龍池曉雲

枝巢聊寄白雲阿杲日初升瑞靄多紅雨乍飛驚綴綵碧
天如洗欲生波浮來亂水銀千縷散入遙岑黛幾螺聞道
石梁原不遠捨身無奈俗緣何

城南小築始成卽事

日射層城散赤霞地偏誰復羨山家滿園晴竹初添子繞
樹春藤尙作花夢去不知成蝶化閒來時亦問魚叉悠然
坐到忘言處松響鶯啼也覺譁

過吳楓隱登雲起樓露臺

國朝 蔣 偉

露臺高出暮雲顛主道歡畱酒盞前帆影到關沈畫角山

重刊宜興縣志 卷一
根帶水入青天置身百尺難爲俗果腹三升已達元待得
老梅香滿樹朝朝從此卜長眠

游龍池

莊同生

禹門三級石橋幽柳栗橫施最上頭避暑窟中風不歇浴
暘臺上雨初收山僧分試新羅芥過客渾披破衲裘再向
憑虛高閣望萬峯環翠拱丹邱

并洲雪蓑

徐喈鳳

溪空雲凍雪霏霏何事漁舟獨未歸隱隱白衣人把釣茫
茫素練浪衝磯半身蓑笠忘寒暑一色乾坤渾是非此景
從來難寫照雲林淡筆或依稀

小園周侯古墓

史惟圓

孝侯遺像儼祠堂疑塚纍纍荆水陽遙見旌旗空際出誰
將冠劍此中藏古碑有字荒苔碧老樹無枝落日黃今日
紛紛足蛟虎威靈寂寞對寒塘

禹門橋

吳本嵩

百斛紅塵到此消遊踪直上禹門橋澄溪龍孕吞雲子亂
石松聲作霧朝春雨笋雄高出樹晴巒苔滑綠齊腰衝梁
水瀑如雷吼未了凡心尙易搖

謁平西將軍墓

湯能翀

斬蛟射虎事何難仗節須登上將壇一自沙場遺戰骨幾

重刊宜興縣志 卷十
時故里葬衣冠秋風牧馬荒原靜落日啼鴉古木寒爲訪
當年忠孝蹟斷碑蕪沒有誰看

湖濱眺遠

邵俠

鷗磯鳥道恣經過浪捲沙痕旋指螺插地一峯縹渺出連
天萬頃水雲多偶攜同調尋幽賞不覺清狂起浩歌世事
東流誰砥柱漫從方外覓煙蓑

遊石磬

古藤掛壁舊曾攀高閣凌虛敞不關峭嶂崢嶸排檻外幽
泉自在響松間林深有客披雲坐山靜如僧盡日間醉茗
不聞塵界事倦飛應羨鳥知還

遊善權寺

蔣景祁

兩餘烟寺路初通一徑松風聽不窮綠字久湮丞相碣青
山無恙梵王宮林間鐘磬橫空度洞口雲霞入畫工我至
欲尋棲隱地當年善卷許誰同

善權洞

錢肅潤

此洞原來是善權今朝如邁避堯天劫灰不使湮丹竈滄
海何從變石田百尺虬龍猶在上兩行獅象正當前我生
若得長行樂願誦康衢野老篇

玉女潭

孫亢宗

聞說仙姝一寄蹤丹成飛去更難逢長留皓月明潭鏡可

重刊寶鼎齋詩集卷十
趁晴雲現玉容巖上異花青鳥度澗邊古碣碧苔封遊人
不敢舒清嘯恐放聲驚水底龍

同其年原白攜壺福生寺

吳梅鼎

南郭仙居接梵宮壺觴結伴幾回同晴雲晚駐千峯日曠
野寒生萬樹風城動角聲歸牧馬溪涵月影度征鴻山川
儘可供吟嘯何事人間逐轉蓬

過亳村看牡丹

龔勝玉

是處桑陰浸綠村經行不計舊苔痕雲依流水時遮徑客
爲看花便叩門步障香塵爭一瞬寒沙片石坐堪論子規
且莫啼紅急畱取晴筇到故園

磬山蜀山俱未果遊縱步至趙莊庵小憩悵然賦懷
迂疎如我百無耽賸有溪山興尙酣九日泛尊誰是主三
秋尋勝惜空譚卽看芳渚尋鴻鴈漫捲晴霞敞翠嵐此際
愁心何所遣行行還向趙州庵

春日同友飲石亭紀勝

許穎昌

繫舫溪橋向曲阿春山深寂聽樵歌濤聲飛向松杉急人
跡經從薜荔多竹裡紅泉潑碧檻波間白石轉青螺相看
疑入山陰道修禊歸來月滿坡

過陽山潮音寺

許大就

喧寂春秋迴自分常畱龍象護慈雲綠楊風定看山影白

重刊重刊集 卷十
草烟清見水紋猶認鶯啼當古渡俄驚月出散斜曛歸心
帶講依然定方丈疎鐘幾度聞

入龍池山坐萬息亭

路念祖

孤亭橫枕亂山邊
老相逢偶息肩
馬跡車塵分下界
鐘聲花氣落諸天
苔階翠滴池頭水
竹徑涼通谷口烟
去去不須登絕頂
勞生到此已悠然

上巳日食棉繭團

萬夔輔

帶雨挑蔬遣作團
勻成膩粉足供餐
誰家柳絮先偷煖
別有桑絲巧耐寒
氣味圖經渾未熟
年時風俗整相看
憑教點檢蘭亭節
喚取奚奴捧一盤

娑羅樹

出郭名山南岳為最
勝友仗策其間泉聲咽石日色寒
松如行山陰道上應接不暇
寺門有娑羅樹一株相傳稠錫
禪師手植哦咏其下不自知其
工拙也

楊湛露

靈山翳鬱畫長陰
寶榦槎枒自古今
東渡一花原五葉
西來雙樹不多林
石邊埽月移清梵
池上吟風起素琴
伐木斧柯曾不到
懸知佛日過來深

瀟湖漁火

岳驥

落日漁舟艤水涯
一湖南北任浮家
知因沽酒忘村遠
定為穿魚折柳斜
野岸煙橫燒楚竹
遙汀燈亂隱蘆花
秋來菰米垂垂實
飽卧星霜度歲華

銅峯壘翠

潘宗洛

嵯峨不與眾山鄰遠觀雲根接地輪依縣作屏橫翠黛遶
溪浮影壓金鱗層層雨洗天同色曲曲風迴谷應春我欲
往尋袁令蹟薜蘿環接石苔新

玉潭凝碧

曲澗淙淙別有泉忽於山曲見深淵一泓秋水翻天碧萬
樹春容冑谷煙照影石潭塵自洗畱雲松壑意多元高崖
靜處紋如縠玉女何年駕鶴還

重刊宜興縣舊志卷之十

藝文志 五言長律

荆溪夜湍

唐 皇甫冉

驚湍流不極夜度識雲岑長帶溪沙淺時因山雨深方同
七里路更逐五湖心揭厲朝將夕潺湲古望今花源若許
到雖遠亦相尋

龍巖

宋 孫覲

日上千峯亂風涵萬壑秋兩崖拆天罅一水漲巖幽絕岸
飛橋過尋源秉炬遊倚空翹翠葆漱石走蒼虬老樹攬天
立奔雲接地流壯懷開浩蕩病骨聳颺颺皓首殊方去清

尊盡日留無人與說似勝事滿南州

張公洞

元包節

採藥珠林迴尋真洞府懸隨花漁引入捫葛鹿俱前谷抱
蒸雲潤崖承滴乳鮮霧昏三里合炬列百枝燃斗絕疑無
地震標覺有天千巖微映紫百道稍聞泉徑草封樵局壇
松護鼎烟匡牀猶玉簞殘埒尚芝田控鶴人何在遺宮跡
宛然憐余朝槿歲欲問大羅仙元秘空延想徘徊獨暮旋

玉女潭

明萬士和

扶杖升天壁低身下碧泔人傳仙子跡我向玉潭尋名自
從開闢源誰測淺深霞明脂棄水日照鈿拖金投石探餘
響浮杯試淨心遙看千嶂合不受一塵侵映樹層層翠含
雲片片陰壑餘聲杳杳山拔氣森森我昔貪幽賞因之滌
素襟何緣未解珮還喜得抽簪應接人無暇登臨思不禁
回車當暮景歸路發長吟

楚山爲沈克寅賦

許穀

全楚多靈嶠茲山秀獨賒峯晴流紫霧石潤湧金沙結構
臨邱蔚虛無絕世譁樓觀松嶺日窗度玉潭霞地發千年
藥林開五色花修梧停鷺鷥大澤臥龍蛇洞月開圖快巖
星映莫邪谷中三賦就看爾獻京華

遊南岳廢園

國朝徐騰蛟

五言長律

出郭尋春去攜舫得自由晴天新語燕暖水恣浮鷗深淺
時花見嶙峋古木稠行行峯漸矗潺潺壑初流滲雪前村
李凝煙別徑楸幾年成賊窟山鳥怪人遊澹日空攜扇輕
寒早脫裘柴車聲遠近槿戶影綢繆松鼠偷花健山雞啄
蝶適谷鳴樵斧落鸝語客筇畱蟄笋驚雷拔茶苗沐雨抽
小庵尋憩息老樹迴無侔蔭畝擎青蓋參霄動絳虬良材
遭浩劫拙匠肆虔剝斷梗猶鱗甲橫軀若臥彪百年餐雨
露一斧廢春秋過客含長歎村兒昧遠謀倚藤聊渡澗入
竹漸忘邱遭火悲殘榭迎風想舊樓玉蘭存朽葉金橘作
薪樗菌乳供僧飯椿芽倩僕收枕流消汗濕拂面覺風柔

山犬早歸戶林狙晚聚儔泉聲頻送屐野老待傳甌倦足
逢邨憩香醪喜客酌松濤檐下過麥浪榻前浮薄暮應防
虎連陰欲怒鳩勝遊天亦如高興雨爲仇暝麓趨農笠煙
田喚渡舟城門驚早閉秉燭樂歸休洗足舒長嘯含毫散
宿愁茲遊殊草草吾意已悠悠

重修學宮喜成

潘氏起

重瞻巒序美殿宇仰崔嵬荆水佳名舊文章勝賞陪菁莪
霑雅化棧樸見良才絃誦風逾盛謳吟運轉開門成桃李
逕堂集棟樑材鱗瓦標新月鳧鐘應早雷彩椽增古藻蒼
樹淨餘埃日麗花磚影橫經上玉臺

讀家司馬忠烈公鉅鹿野史

盧士登

政府肅戎旃中丞闡外專詩書忠孝盡韜畧智仁先殄寇
甯三楚移師靖九邊尙方星彩煥御酒主恩傳決戰讐和
議孤忠伏闕前監瑄旁掣餉樞輔內招權慷慨龍城氣呼
嗟馬革捐朱僊空壁壘白石隕燕然八載關山月千秋塞
草煙英雄長灑淚搔首問蒼天

重刊宜興縣舊志卷之十

五日無人對

藝文志 五言截句

題玉女潭

唐 獨孤及

碧玉徒強名冰壺難比德惟當夕照心可並齋淪色

送陸士倫之宜興

李嘉祐

陽羨蘭陵近高城帶水閒淺深通野水綠茗滿春山

秋日湖上

薛 瑩

落日五湖遊煙波處處愁浮沈千古事誰與問東流

宿甌山畫上人房

僧皎然

別來山頂宿知在甌山禪積霽沈斜月孤燈照落泉

重刊宜興縣志 卷十 五言詩
隱居南莊

宋 蔣之奇

耕春煙一壠釣月水千尋未荒三徑菊不負此生心
乞常州義興居住得請

蘇 軾

上書得便宜歸老湖山曲躬耕二頃田自種十年木
遊龍巖三洞

元 葉景南

徘徊三洞天拌作十日留何當約安期共爲千載遊

題荆溪

倪 瓚

荆溪清遠地水秀石幽貞誰識懷歸者終朝憤憤情

錫峯秀色

明 馬 治

竹陰重翠羽樹色冷龍鱗五月無人境銅官南澗濱

大湖山

項 麒

願上大湖山靜倚大湖松聊舒萬里眼淨洗百年胸

泛湖

邵 珪

風恬一鏡平蘭槳擊空明仔細看秋月浮雲亦易生

泛太湖

唐府志題作汎太湖

杭 淮

一葉烟波艇如乘銀漢槎秋來萬里興浩蕩屬誰家

玉陽山房

幽卧春山雲黃鸝隔窗語靜響發澄潭女蘿滴殘雨

張渚道中

湯 霖

雨晴沙草潤湖濶暮烟平清興無人續閒鷗定舊盟

善權寺龍眼亭

吳正志

山深入寺僻得亭始得路夾道護蒼松行行欲回顧

南岳

吳貞吉

結宇依空谷秋來多白雲前山渾無賴日日下斜曛

乾元界

絕壁藏深塢仙臺俯碧空疎篁一蕭瑟我欲御長風

洗腸池四偈

鄧秉貞

腸污既欲潔水垢亦應爾不識洗腸池更將何物洗
剖腹我不能洗腸何必爾不見月光重偏身都是水
胸藏塵萬斛一水安能洗若解洗腸時池中無滴水

清泉良可漱勿以污吾齒我視錫師腸同于許由耳

南岳雨餘

國朝 蔣偉

雨過農何急晴來我自閒濯將山色老添得水聲潺

國山煙寺

路衡

朦朧竹間月出沒松頂鶴何處晚鐘鳴簌簌野花落

善權小水洞

謝方連

石晴聞雨滴竇冷欲生風只恐彈琴久潭深起白龍

西溪卽日

漢原罷耕作樵徑人踪絕水廊北風寒舟橫渡頭雪

田居雜興

重刊宜興縣志 卷十
刈穫在南陌日高人出村村側一溪綠蓼花紅到門
天寒暑時易清興滿晨夕霜樹影初稀秋山入潭碧
簷上鳩獨鳴籬邊燕雙舞新篁長出牆時墮瀟瀟雨

荆溪雪望

前汀亂葭葦北里烟村潔寂寂溪渡寒人肩一層雪

梅溪絕句用張文昌韻

曲徑香風滿梅溪日未斜有情應再往一看水南花
野逕聲聲笛疏林暮影斜遙同一溪水流盡梅花
新梅溪上發殘月望中斜一徑穿雲入聞香始辨花

重刊宜興縣舊志卷之十

藝文志 六言截句

宿甌山

唐韓翃

山中今夜何人門下當年近臣青瑣應須早去白雲何用
相尋

別甌山

一身趨侍丹墀西路翩翩去時惆悵青山綠水何年更是
來期

牧之水榭

無名氏

菴畫溪頭問渡銅官山下尋僧水榭風橋曲曲楓林雲磴

層層

福巖堂頭再過公安病中信口送行所望不忘夙約

三首

宋 李曾伯

記得桂林臨別勸師緊閉禪關又被如來牽率未容高臥
雲山

浙境欲畱師住荆人爭望師來要是因緣未了不妨兩地

徘徊

方藉名山作主胡然舊席重開了卻江湖願力切須早早

歸來

寓宜興子莊贈吳翁

明 費宏

水北水南芳草山前山後白雲我欲求田問舍杖藜載酒
尋君

遊張公洞返棹

李 杲

苦雨可歇不歇短帆欲開未開一片閒雲洞口不嫌人去
人來

芙蓉寺大悲松

僧行能

曲徑寒松千尺不知何代人栽亭亭挺立天外野鶴不呼
自來

來來亭

孤亭結在雲中額點無數蒼龍獨許老龐親到尙餘而地

清風

三到亭

昔年賣笊籬翁問道頻來此中萬壑寒松翠竹一亭秋月
春風

重刊宜興縣舊志卷之十

藝文志 七言絕句

送李校書趁寒食歸義興山居

唐白居易

人見騰騰詩酒客不憂生計似君稀到舍將何作寒食滿

船惟載樹陰歸 木末生無謂當不且火受薰風正其時白

贈上人

顧況

家住義興東舍溪溪邊莎草兩無泥上人一向心入定春

鳥年年空自啼

茶山下題草市

杜牧

倚溪侵嶺多高樹誇酒書旗有小樓驚起鴛鴦豈無恨

雙飛去卻回頭

荆溪夜泊

李九齡

點點漁燈照浪清
水烟疎碧月籠明
小灘驚起鴛鴦處
一隻採蓮船過聲

題雙楠軒

慕容輝所居

宋蘇軾

南軒前頭兩佳木
先生撫翫常不足
尤愛薰風五月初
白銀花開光照屋

舟泊山溪

朱熹

鬱鬱層巒夾岸青
春溪流水去無聲
烟波一棹知何處
鷓鴣兩山相對鳴

過張溪贈張完

岳飛

無心買酒謁青春
對鏡空嗟白髮新
花下少年應笑我
垂羸馬訪高人
張完答詩云相別相逢不計春眼前非舊人今勒石尚存

題荆溪圖

張監

斬蛟橋北王樞府
高樹連雲第一家
欲向新圖問何處
客窗風雨對梨花

前題

虞堪

好山都在太湖西
滿路風烟荆棘迷
華屋燕飛今在否
市橋官柳不勝題

前題

王蒙

太湖西畔樹離離故國溪山入夢思
遼鶴未歸人世換歲時誰祭斬蛟祠

重讀荆南集有感

明高啟

生別猶疑得再逢楚天雲樹隔重重
愁來讀盡荆南稿風雨空齋掩暮鐘

泝練湖

馬治

荷花欲白水雲涼天闊晴湖明鏡光
日暮蘭舟看不及帶將山色下橫塘

周孝侯祠迎神曲

靈修欲歸巫未醒瓊筵香暗燭花明
浮雲獨行山雨歇空裏蕭蕭聞馬鳴

過太湖吳歌

吳雲

南風漸低湖水平行人搖曳擻歌聲
亂畫峨眉明鏡裏天青七十二峯橫

遊張公洞

沈暉

湖泖鎮前春繫船張公洞裏去尋仙
青山綠水真如畫紫筍紅菇不論錢

寄荆溪諸友

張弼

茶芽香碧竹菇紅陽羨溪山夢寐中
寄語遊人休浪占洞

重刊宜興縣志 卷十
名原是屬張公

送宜興族人 二首

儲 燾

堂前松桂百年陰門外桑麻十里深父老至今論土著故
家風物只臧林

江上清風起白波晚涼疎雨洗明河遊人真是江南客拍
酒船頭聽棹歌

題荆南集後

徐 賁

故友空悲生死異名州曾說亂離頻因君重讀荆南集已
憶溪山又憶人

蹇龍妻陳氏謦咏

杭 倫

百年匹配重綱常山海盟深義不忘相對玉容君未識菱
花何忍試新妝

荆溪春詞

任名臣

酒旗輕颺酒樓西典得新芻手自攜獨坐花裯誰作伴綠
楊多處一鶯啼
輩輩兒童放紙鳶翩翩素羽雜鳴絃憐渠總有絲千縷攪
亂春風又一年

尋芳偷向碧山隈金犢電駟次第來桃李滿車香滿路女
郎山北祭墳回

岳南桃李妒明霞藉草裯花樂事賒汗濕口脂朱半減背

人猶自摘茶芽

卓錫泉

卓錫將無事渺茫一泓清欲換詩腸穀茶瀾罷聽流水竹影松濤盡日涼

大悲閣

傑閣時時現玉毫入牕晴色倚雲高坐來不覺松聲壯疑是潮音海上濤

題伏虎禪師洗腸池

國朝 蔣 偉

雨後疏池分外清風飛點點雪花輕可憐未解山僧法流到中流作虎聲

雨中南岳

夏初新整遊山屐樂與山僧數晨夕莫怪瀟瀟雨阻人洗腸池水添三尺

再過善行洞

數峯環處老僧家二尺山童解施茶善行只今惟有洞杜鵑何日始無花

送陳其年歸宜興二首

王士禎

與君五載揚州夢細馬吟春皂莢橋歲晚幽州復相送九門風雪壓盤鷗

送客魂消楓樹林買田陽羨舊同心花枝照眼蝦籠嘴未

得從君弄渚禽

雙溪竹枝詞十首

陳維崧

斜日蘭橈罨畫遊可憐春水滑如油迴船亂泊蝦籠嘴三
月風光似小秋

斑竹妝樓水上多樓前流水是官河鈎簾纔覺西風起一
幅吳綾已作波

荆溪士女多明秀眠食青山與碧潭周處廟連珠巷北牧
之陂在石橋南

最難忘處三春事楊柳參差蝴蝶忙摘蕙滿山裙帶綠焙
茶十里水泉香

清明市上雨濛濛酒店帘斜漾遠空紫笋青梅還未歇筠
筐已貯竹菇紅

曾數他州食品無廚娘風調冠南都紅糟薄醉蒸山獷銀
縷如絲切柿狐山獷土名石獷柿狐食柿而肥二物尤美

蜀山舊有東坡院一帶居民淺瀨邊白甄家家哀玉響青
窰處處畫溪烟蜀山居民皆以磁器為業

百合場西戰壘存射蛟橋上暮雲昏尙畱雨後銅官色潑
翠流丹到縣門

善權洞與張公洞秋日偏題老子名仙窟苔封人不見銀
房玉竈為誰明

雙溪 杭詩賦半江 邵詞前輩風流那得知更說畫家文石
張好墨花斜放兩三枝

周孝侯拜斗臺

徐颺鳳

山色蒼蒼水色清將軍忠孝死猶生偶從拜斗臺前過懷
古情深淚欲傾

玉女潭二首

萬夔輔

玉女西施各有泉兩般相並最爭妍輸他一面菱花鏡照
見丹楓插鬢邊
瑤臺浸澈不勝寒雁字分明著底看寂寞空山黃葉後一
規清影碧琅玕

罨畫溪

謝方琦

晴川夾樹綵雲斜莫遣東風掃落霞疑是武陵春未老一
溪流水漾桃花

舟行歸抵嘯莊

謝方連

舴艋溪行日半輪板橋瓜舍近西鄰蟬聲向晚邨邨急一
路柴門稻色新

題西溪貞義女祠廟

溪葦蕭蕭客渡稀沙禽時見引雛飛一間古屋無僧住終
日間開水廟扉

訪朝陽道院

儲雄文

草積平橋水暗流行來漸覺此身浮道人晏坐前宵雨滿地松花散不收

玉潭凝碧

路衡

山靈何事也爭妍磨澈菱花浸碧天寫到空明無筆墨清光依約照嬋娟

畫溪花浪二首

紅雨輕盈夾岸飛春風無力縮芳菲蘭橈撥處波心碎滿載花陰帶月歸

滿溪花雨撲山樓濃瀉春光醉碧流最是釣絲風定後一痕紅影上漁鈎

重刊宜興縣舊志卷之十

藝文志

詞

小令

菩薩蠻

陽羨作

宋蘇軾

買田陽羨吾將老從初只爲溪山好來往一虛舟聊從造物遊有書仍懶著且漫歌歸去筋力不辭詩要須風雨時

鳳棲梧

荆溪寫景

山秀芙蓉溪明菴畫真遊洞沅滄波下臨風慨想斬蛟人長橋千載猶橫跨解珮投簪求田問舍黃雞白酒漁樵

重刊宜興縣舊志

卷十

小令

重刊

社元龍非復少時豪耳根洗盡功名話

浣溪紗

陽羨上元二首

陳克

橋北橋南新雨晴柳邊花底暮雲輕萬家燈火照溪明

鳧舄差池官事了木山彩錯市人驚街頭酒賤唱歌聲

罨畫溪頭春水生銅官山外夕陽明暖風無力小舟橫

萬事悠悠生處熟三杯兀兀醉時醒杏花楊柳更多情

望江南

山居

國朝路念祖

山居好約略似仙家木榻晏眠聽夜雨板窗低坐看梅花

茶熟飯胡麻

明月斜

舟宿荆溪

史可程

菰葉肥菱葉瘦一隊沙禽拍浪飛半船明月斜光透

望江南

泛溪

徐喈鳳

雙溪好春水浴春山風捲浪花漁欸乃煙迷岸柳鳥絲蠻

蕩樂不知還

又

憶荆溪

陳枋

荆溪憶烟景未能描官閣面山橫玉案子城帶水束冰綃

海市幻蛟橋

楊柳枝

荆溪柳

史惟圓

溪裏帆檣溪上樓拂帆撩屋柳絲柔不知何事風流甚羸

得斜陽無限愁

浣溪紗 癸丑東溪雨中修禊

陳維崧

春水揉藍接遠汀
晚山愁黛矗層屏
綠楊城外畫船停
燕剪輕陰拖水榭
鶯翻嫩雨濕蘭亭
半溪燈火酒微醒

又 梧月山莊

蔣景祁

半畝榛蕪手自芟
為求清蔭植南杉
花香鳥語坐來添
風煖柳烟迷屋角
雨晴嵐翠落溪尖
卻貪無夢一春甜

又 東溪雨中修禊

擬向山陰續舊遊
別般天氣減風流
畫橋絲雨綠楊柔
天外嵐煙皆接水
望中春色卻如秋
多情憑付木蘭舟

又 冰溪

徐瑤

一夜西風吼石鯨
排空怒浪霎成鱗
吳孃雙槳且教停
雪鷺驚飛羣玉圃
銀鼈穩臥水晶城
一泓冰鑑遠山橫

菩薩蠻 禹門松徑

儲貞慶

巉巖石徑苔痕曲
干峯染就高低綠
風激梵聲寒
松濤助夜湍
雲埋欹路斷
日落樵歸半
新笋接籬腰
吟情渡小橋

河瀆神 西溪浣紗女廟

陳維崧

古廟碧溪頭
斷碑長臥荒坵
門前老樹縛吳牛
蘆灣幾箇漁舟
縹緲靈旗
天半去蓬山
杳杳珠樹
深夜雲輶歸處
漆燈零亂如雨

偷聲木蘭花

城南

僧原詔

萋萋芳草城南路
隔岸春山收宿霧
一望迢迢行到前村
第五橋
小樓風暖珠簾捲
樓上曉鶯嬌
乍啣知是誰家
柳下雙扉帶水斜

中調

臨江仙

憶子莊

明吳儼

我愛子莊風景好
白沙翠竹柴門而今身落在塵樊冠裳
纏縛此意有誰言
翠壁丹崖千萬丈
山靈未許扳援何
時投綬更高騫
長松樹底石上聽啼猿

又春日山遊集唐詩

史鑑宗

千里好春聊極目

吳

朝朝幾度雲遮

皇甫冉

又因蝴蝶夢生

涯

欲尋霄漢路

朱延齡

相送到煙霞

李端

乘興杳然迷出

處

空山更有人家

劉長卿

閉門高柳亂飛鴉

錢起

客來花雨

際

香飯進胡麻

王維

蝶戀花

荆溪詞

黃錫朋

四月荆南徵稅始一歲
官糧減半琴堂比山
滋良民宜解
意輸公便可權呼醉
憲檄頻催如雨墜
餉務營懷虧煞
慈仁吏典盡簪釵
心甚瘁村頭尙急酬
神戲

四月荆南農勸事
愛護秧針戽水溪
西地遙擬田間充餅
餌兒童喜躍燈前記
眼見場頭黃麥穗
求得晴天打出

盤餐利學種瓜蔬時灌溉村中莫效城中戲

漁家傲

送李晉卿令宜興

夏言

二十九年如一夢鹿鳴筵上笙歌動今日長安尊酒共遙
相送行春好醉張公洞但得閭閻無疾痛莫辭枳棘棲
鸞鳳自古循良非小用須珍重他時為撰甘棠頌

驀山溪

癸丑東溪修禊集詞名

國朝徐喈鳳

驀山溪路解語雙雙燕南浦柳含煙雨中花小桃紅綻綺
羅香裏蹀躞少年遊芳草渡鷓鴣天共惜餘春慢風流
薄倖多麗權相見疎影雨淋鈴望湘人春雲寄怨漁歌欸
乃水調瑞龍吟過澗歇踏莎行勝醉蓬萊苑

浪淘沙第二體

初夏同萬懷蓼天峯上人遊南岳寺

野性愛遊山倚杖蹒跚道旁新竹戛珊珊幽鳥似知聞客
到分外懸蠻登閣數晴巒面面奇觀垂巖萬樹影交攢
坐久自知腸可洗卻勝參禪

白詞 秋夜月

蛟橋望月

留學心留心空留留潘瀛選

月兒圓也趁金風舒皓彩碧空斜挂浸著兩溪銀浪一城
霜瓦水樓上招紅袖許多妖冶閒話都笑蟾孤兔寡橋
頭月下記當年周子隱曾將虎射千古靈旗颯颯英姿堪
畫到而今嗟滿目漁村鱗舍濤聲偏只共更聲打

洞仙歌

避暑南嶽山房

陳履端

重刊宜興縣志 卷一 中調
南華一卷是驅炎清課燃竹風廊颺茶火把塵襟盡滌世
累都捐蕭淡甚泉際山巔有我 老僧無箇事閒話忘機
簌簌林間暗香墮薄暮轉山房水簟涼生拂磁枕北窗高
臥又細聽微風響松濤覺此際心情十分安妥

梅花引 荆溪阻雪

蔣捷

白鷗問我泊孤舟是身留是心留心若留時何事鎖眉頭
風拍小簾燈暈舞對閒影冷清清憶舊遊 舊遊舊遊今
在不花外樓柳下舟夢也夢也夢不到寒水空流漠漠黃
雲濕透木棉裘都道無人愁似我今夜雪有梅花似我愁

八六子 楓隱寺感舊

陳維崧

弄綠楊重過廢館閒池頓起思量正髣髴紙鳶舊處依稀
竹馬兒時巡簷繞牆 當年無限風光月照千山裙幄鶯
啼一院槽牀漸舞榭成墳歌臺作寺松籬已老梅妻都嫁
祇剩亂澗閒騰鼉鼉矮坡斜下牛羊太蒼茫疎林一坏夕
陽

祝英臺近 遊南岳

徐瑤

逕透迤林窅窕面面碧峯峭夾道松杉籬犬吠如豹行來
幾處琳宮誰家金谷恍疑是入山陰道 境逾杳見說春
老幽巖漸開杜鵑了寶馬香車踏盡磻邊草可憐伏虎庵
前洗腸池畔也曾共那人吟嘯

長調

滿庭芳

余至南都蒙恩放歸陽羨

宋蘇軾

歸去來兮清溪無底上有千仞嵯峩畫樓東畔天遠夕陽
多老去君恩未報空回首彈鋏悲歌船頭轉長風萬里歸
馬注平坡無何何處是銀潢盡處天女停梭問何事人
間久戲風波顧謂同來稚子應爛汝腰下長柯青衫破羣
仙笑我千縷掛烟蓑

水龍吟

溪行有感

明吳儼

乾坤浩蕩無涯幾人獨立風塵表湟中得喪槐南富貴夢
魂空繞紅蓼灘頭黃蘆岸側漁烟斜曷問釣鰲公子舊磯
存否此去路應多少自記得扁舟來處見銅官一峯青小
洗頭玉女種芝丹客何時是了翠竹蒼梧清泉白石分明
蓬島又詩人才子賡歌疊和自堪怡老

永遇樂

謝丁侯減稅功成

吳仕

心事冰清才華錦美縣庭如水百里民瘼一緘封事宛轉
聞官裏九重神聖維新治理飛下金雞一紙謂江南十州
均賦豈應低昂彼此一日功成五湖恩被竹帛安能盡
紀銅嶺峨峨畫溪瀾瀾應與相流峙考求圖記二袁輝映
今得公爲三矣試看取萬戶歌聲千秋廟祀

風流子

詠玉陽洞天寄玉陽山人史恭甫

夏言

陽羨溪山好吾將老曾見昔賢心念此語空留買田未遂
桃源一別舊路難尋歎人生幾回王子棹都付伯牙琴那
似山人煙霞占斷洞天深隱高臥長吟向仙臺佛窟看
紫煙斂散白日升沈時聽湍流激玉巖溜淙金更健步堪
遊底須策杖直釣可釣不用敲針何日扁舟瀉水獨訪雲

林

映山紅慢

咏竹茹

國朝史可程

寒食遺風纔料理山家糗糒恐玉薤金齏輸他珍餉駝羹
麟脯園丁忽報濡仙露徧金谷結珊瑚乳論風格託籍篋
簞脩然芝侶藜藿齒陡詫非常漫說甚長生餐苜盍舉

向空門擊鉢玉版參來鈍句暈紅真似霞生面裊風前茜
裙斜護提筠籃去摘春雨翠娥應妬

羊湖滿江紅

飲南礪山房

吳本嵩

點點青山擬移向草堂無術還依傍藥籃樵擔紫芝蒼朮
老屋幾家雞與犢疎林一片松兼栗早霜融馬滑過前岡
冬之日山如黛疑浮漆溪如練疑成匹問何年道子丹
青遺筆檻外煙霞低且近尊前笑語驩然密縱歸鞭新月
送遊人林端出

又

福田庵感舊

陳維岳

數武茅庵記少日得閒頻過小橋外溪流演迤山峯駁駁

沽酒前村拉伴飲吟詩東崦尋僧和最堪憐滿樹絳桃開
春無那 梵閣下琉璃火禪榻上蒲團坐問閣黎往日今
存幾箇蘆葉作花和雪舞松枝成幹如人大手摩娑古佛
一年年淒涼我

又 遊張公洞

陳維岱

移此山來是當日愚公夸父還疑倩五丁力士鑿成紫府
曲磴崎嶇猶可入懸崖偏側真難度只洞中蝙蝠共飛攀
羊腸路 石窪者形如釜石突者形如鼓更左挈右攫淨
龍猶虎仙去已無黃鶴到人來尚憶青鸞舞漸雲迷丹竈
日西斜催歸步

又

讀盧忠烈傳用岳武穆韻

仇元善

剪燭西窗聽秋雨瀟瀟不歇閒憑吊賈莊遺事感懷忠烈
正氣到今畱信史丹心自昔懸明月賴先生萬里作長城
勤王切 狐蹤渡冰和雪羊房堡追而滅自將軍去後金
甌旋缺百戰難銷鉅鹿恨千秋猶洒龍泉血悔當初不斬
佞臣頭歸天闕

又

移錫金鷲山

僧宏倫

雨笠雲瓢移家在金鷲之麓惟樂得一庭花藥數椽書屋
洗鉢池頭鷗似雪焙茶爐外山如沐愛月明龍母古祠空
羣峯矗 芙蓉岸漁簪簇桑麻地耕牛宿有閒遊客到儘

題修竹藹藹林深孤夢穩滔滔候變雙丸促聽天風遙送
上方鐘眠方足

水調歌頭 泛溪

曹亮武

最愛兩溪水溪上列青螺茫茫一葦萬頃樂事不須他塵
市那堪鬱悒每到水天佳處煩渴總消磨浩蕩數聲笛響
透毒龍窩休搔首追往事怨蹉跎今宵簟紋明淨倩汝
浸金波容我百壺頻送醉倚篷窗極目獨自放狂歌但願
柳陰下長此共漁蓑

滿庭芳

蜀山謁東坡書院

陳維崧

水拍晴橋山銜春店飛花落絮悠颺打魚放鴨四月好年

光此地林巒絕勝家家足碧澗幽篁斜坡上碎瓚敗壁零

亂補圍牆

鳴榔思往事峨嵋仙客曾駐吾鄉惹溪山千

載姓氏猶香今日紫姑聖女喧村賽

明姓殘碑在獨

嶺野草漸沒古祠堂

山上俗有所謂娘娘廟是日香火最盛居民奔走如鶩而書院滅沒荒烟

淡靄間無有過而問者詞以志慨

漢宮春

將歸荆溪次梁棠村先生贈別韻

陳宗石

鷓首蒲帆看兩岸蕭蕭千林索索半生懷抱大抵哀多於
樂醺篴纔和又早是兄南弟朔歎萍踪歸來何日再到故
園酬酢莫問此番行橐且狂歌起舞不妨飄泊輦上諸
君休晒謝家中落富貴浮雲且還我青山芒屨銜杯笑紛

蘇子雲與東坡書 卷一
紛項領何限眼中輕薄

倦尋芳

咏蔭綠軒紫牡丹

陳維崧

畫堂左側繡檻東偏
朶朶輕俊歐碧姚黃
總是讓他風韻
紫府家鄉原不遠
紅樓伴侶休相混
記當時恰一枝初顛
便曾厮認
誰料是六年一別
今日人歸倍添春暈
滿院濃香砌就閒愁
成陣雨後喜看嬌態
足朝來怕見殘粧褪
這情懷醉醒時細將花問

丁香結

咏竹菇

碎錦成斑餘霞弄點
小圃臙脂隱隱正叢篁
搖粉桃花麝偷把烟梢扶襯
竹郎門第好姑年
小卯酒添暈瀟湘二女

去遠接下啼紅盈寸
淹潤被雨後鶯啼喚出滿林芳嫩
櫻笋年光餽簫節候
做他輕俊小巷筠籃
提入帶笑爭相認
似開元錢樣一縷嬌痕巧印

念奴嬌

初夏渡太湖感舊

董儒龍

綠遍枝頭斷送了九十春光
消息馬足紅塵飛盡處
牛背何人橫笛剗地長風排空
濶浪中有扁舟立魚綸茗竈五湖自署狂客
猶記初泛年時香綃粉袖
偎傍粧臺側三載離魂無覓處
血淚愁腸消得細數繁華
夢中身爾醉後重浮白一彈別鶴
萬山湖上凝碧

瑞鶴仙

為湖濱周貞女賦貞女福建進士林雲銘室人

蔡捷

麻衣因嫁設伴鬼幄孤燈夜分明滅朦朧若來接向未知
郎面轉生羞怯冰心皎潔誓畢生空牀對月想當年抱鴈
家來已把雙翎分拆 休說冥途遠絕温清翁姑死生何
別古今義烈差片念誤全節拌伶仃形影拋將同衾耐到
泉臺共穴莫道儂巾幗柔腸鬢眉誰均

永遇樂

癸丑上巳東溪修禊

潘眉

錦纜籠紗紅欄委浪一碧無際催暝鳩啼拖涼荇滑隔浦
春寒細湔裙令節偏將絲雨添滿一川空翠便教他冥濛
滴瀝正應恁時修禊 年年此日酒痕花淚零亂俊遊衫
袂水上麗人山陰修竹往事都休記莫停檀板且偎紅袖
此會後賢應繼歸來也明朝花下問他晴未

沁園春

大風雪中過周孝侯墓

萬廷仕

十里春城千秋古墓老樹崢嶸正悲風四起梟呼木末浮
雲低度匡拄冰冷屐齒迷離峭簷欹側撲面飛花煞有情
方疑伫恍靈旗高點長劍空橫 他時閒眺閒凭奈此際
峻嶒冰雪撐似剡溪乘興便教舟放灞橋衝凍贏得詩成
何處玉龍霎時戰敗一片拋鱗卸甲聲遠追憶憶沙場星
隕遺恨難平

又

題周孝侯墓

顧彩

宿莽城隅馬鬣遺封侯墓在焉憶斬蛟名播祠留荆水平

羌志賈塚象祁連塵塵清談何人誤卻典午河山五十年
 如侯者更丹心一點日月孤懸 長橋東望凄然想毅魄
 歸來認故園任風前白鶴啼殘華表雨中黃犢耕破平原
 白髮黃童羣瞻廟貌寒食還應送紙錢悲千古盡英雄逝
 水戰骨寒煙

賀新郎

遊芙蓉寺贈雪上人

徐喈鳳

聞說招提古在西南芙蓉峯下煙霞深處春霽攜筇閒訪
 覓曲曲桃源竹塢更百尺松排雲路對峙雙亭臨小澗問
 來來三到名何故因地勝道衡願 曾經劫火巢狼虎喜
 而今雕題繡柱輝煌重暗座上高僧拈玉拂飛墜天花無

數恰幾樹小梅初吐下榻上方雲臥穩夢吾身已向慈航

渡須再宿莫輕去

大統禪師開山時襄陽龐道衡三來訪道建來來三到兩亭

望海潮

同西泠洪子昉思過五橋莊訪吳石渠先生填詞處有感

徐瑤

寒欺梅影幽芬微裊風來花信初番客本武林帆開申浦
 相逢趁早春天攜手步溪灣近半斜松巷第五橋邊傍水
 誰家寂寥門第說前賢 延陵豔曲曾傳有粲花五種流
 播人間滄海未歸東山永別淒涼剩有梨園憑弔其潛然
 同舞裙歌扇一片頽垣惟見銅峯數丸晴髻似當年

賀新郎

登龍池憑虛閣

史鑑宗

蒼翠飛千狀破松根嶙峋石磴曲隨烟上一徑蹒跚當絕

重刊宜興縣志 卷一
頂縱眼豁然遼曠看屐底羣峯鋪浪小閣恰當巉巖處俯
懸崖萬仞臨虛莽憑闌語眾山響 高寒色沁塵襟盪眺
東湖一泓盃水空明微漾野衲孤棲誰伴侶虎嘯猿啼酬
唱問佛法無言相向酌我半甌中頂茗傍龍湫拍手雲生
杖登臨興老猶壯

又 過城南廢園

萬錦雯

四壁堆荒瓦是當年遺基剩址凌雲之厦一自風流消散
後無復詩壇酒社但景物依然瀟灑短白長紅新刺眼問
野花爛漫誰栽者人不到自開謝 唾壺敲缺悲歌罷歎
人間繁華能幾真如傳舍多少王侯羅第宅盡入漁樵閒

話算只有青山非借我欲支頤看爽氣又日之夕矣牛羊
下空徙倚意難寫

又 石亭記遊

萬樹

乙巳春之季與吳君曹君諸子會於槐里遂往遊於石亭
礪少長羣賢畢至興不減蘭亭修禊此地崇山多峻嶺有
茂林修竹清流水堪暢敘坐其次 氣清天朗風和惠共
欣然形骸放浪興懷託寄俯仰彭殤皆妄作莫問世殊時
異且一觴一詠相繼客曰斯遊真足樂不可無韻語傳於
世余曰諾是爲記

貂裘換酒 冬日溪行

徐瑤

最愛溪行者放輕舸寒風蕭瑟凍雲飄灑數點巒尖疑殘
 雪彷彿米家圖畫更拍岸驚濤噴瀉斜望疎林青帘漾有
 兩三漁子喁喁話魚換酒渾忘價 布帆直指南城掛怪
 紛紛亂鴉孤鷺迅於奔馬漠漠遙天迷波路惆悵川流東
 下晚寒冽酒杯深把慘淡山村煙四起忽汀前幾處青燈
 射歸已近黃昏也

又下亭五載

萬樹

只肯青山非韻非俗支離香爽辰又日之夕矣半半

